



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Status praelibaminum mysticorum. Decisio Secunda.

**urn:nbn:de:hbz:466:1-9766**

## STATVS PRÆLIBAMINVM

MYSTICORVM.

DECISIO SECUNDA.

**Q**UAMVIS ordinaria Catholicorum deuotio, ad status mysticos præcisè non pertineat; vniuersalis tamen pietatis notitia, hoc videtur exigere, ut ante negotij mystici tractationem, tantum de ea dicamus, quantum communi vtilitati prodesse visum fuerit. Et ideo hoc loco tractatur,

- I. *Quomodo Damnati, & finaliter impij Deum persentificant.*
- II. *Quid Catholici paenitentes de mysticis participant.*
- III. *Pientiores siue in statu Religioso, siue seculari, in suis prectionibus ad Deum frequenter consolationes diuinæ experiri.*
- IV. *Pientiores eiusmodi non facile ad exercitia mystica transeant, relicta praxi ordinaria sanctæ Matris Ecclesiae.*

## ARTICVLVS PRIMVS.

*Quomodo damnati, & finaliter Impij  
Deum persentificant.*

**C**VM non sit a qui se abscondat à calore eius, à remotioribus, seu infinitis incipiendo, inueniuntur primo Dæmones, & finaliter impij Homines, b qui licet [ propter c aliquos particulares effectus ; qui interdum eorum voluntati contrariantur, dicantur Deum odio habere : tamen in quantum Deus est Bonum commune omnium, naturaliter diligunt Deum plus quam [leipso] interea verò, quia desperantes, semetiplos trahiderint iniustitiae ad iniquitatem, [ d misere, & inquit, ex hac vita excedant, nulla sancta spe freti, propter vitam, quam flagitiosissimam egerunt] cumque ex intima Dei præsentia, quod illa cum ipsis

multa e fortitudine contendat, & magnitudinis suæ mole premat, ad supremum usque desolentur; virisque scilicet tam Damnatis, quam scelestissimis hominibus penitus nihil, (illis quidem in æternitate; his autem in tempore) perniciè, ac intolerabilius euenire potest, quam in semetipsis supremi boni, & malitiei propriæ coexistentiam contrarijs affectibus vicinissime compati, & tolerare. Vnde etiam ab omni mystica beatitudine, iure merito excluduntur. sufficiat interim ad vniuersalem statuum ordinem, obseruasse, quod f omnia propter semetipsum operatus sit Dominus; impium quoque in diem malum. Quoglibo itaque à spiritu tuo, & quo à facie tua fugiam si enim descendero vel in infernum, ades. nam & ibi altitudo diuiniarum tuarum Domine, in imagine tuæ

San-

a Ps.18. b Ephes. 4. c S. Thom. i. p. q. 60 a. s. Ad s. d S. Dion. de Ecccl. Hier. c. 7. e 13b. 23. f Proh. 16.  
g Psam. 138.

Sanctissimæ Trinitatis effulget, quamuis ad nimium cruciatum, quem proprijs voluptatibus inebrati, iusto Dei iudicio sustinent. His autem relictis, ad illos quibus spes vitæ æternæ affulget, transeamus.

*Quid Catholici pœnitentes de mysticis  
participent?*

## ARTICVLVS SECUNDVS.

**Q**ui Catholica fide muniti, depravatae naturæ malitiam non satis caucent, & grauioribus peccatis subinde commaculant; durum profectò conscientiæ stimulum, ac Syntheresis contra malum, obmurmurationem incessanter sustinere habent, velint nolint ipsi. ex quo fit, ut ad salutarem pœnitentiam, peccatorumque detestationem denuò commoueantur, optimam pœdagogiam de summo bono participant, vt oculi eorum sint videntes præceptorem suum, & aures eorum audientes vocem post tergum monentis. quibus auxilijs commoti getitibus b inenarrabilibus propriam dein fragilitatem deplorant, peccata Sacramento pœnitentiae delent, ac diuinam in se bonitatem collaudant.

Quod autem eiusmodi homines ad contemplationem primi principij, & optimi, quod Deus est, non pertingant (quamvis in meitribus ipsorum intimè p̄f̄sens sit) ex eo prouenit, quod[m] mens humana c sollicitudinibus distracta, non intrat ad se per memoriam phan-

tasmatibus obnubilata, non redit ad se per intelligentiam, concupiscentijs illæcta, nequaquam reuertitur ad seipsum per desiderium suavitatis internæ, & lætitiae spiritualis; ideo totaliter in his sensibilibus iacens, non potest ad se, tanquam ad Dei imaginem reintrare ] qua propter inter alia Christianæ pietatis, & misericordiæ opera nihil salubriùs talibus superesse videtur, quam [ oratio, quæ Deo est d sacrificium Angelis organum, Sanctis conuiuum, orantibus præsidium, contritis vnguentum, pœnitentibus remedium, hostiis iaculum, & omnibus tentatis fundamen- tum, ] quinam autem vicinius Deum prælibent, consequenter videamus.

*Pientiores, siue in statu Religioso, siue sa-  
culari, in suis ad Deum precatio-  
bus frequenter consolationes  
diuinæ experiri.*

## ARTICVLVS TERTIVS.

**C**VM melior sit dies vna in atrij Domini, super millia sæculi nonnulli pientiores Catholici, siue in matrimoniali, libero, aut voto continentiae obligato statu, vel etiam in ordine aliquo regulari à sede Apostolica approbato, degant; quocunque pio affectu tanquam apes argumentosæ, varijs sanctisque exercitijs in fide, spe, & charitate Domino famulantur. modo enim orationes vocales absoluunt, modo amorous suspirij, ad diuina feruntur, vix sacris ceremonijs, & diuinis laudibus (siue

B cho-

a Isa. 20. b Rom. 8. c S. Bon. Itin. men. c. 4. d S. Bern. apud Harph. l. 1. p. 2. c. 42.

chorali; sive figurali canticu peragantur) interesse contingit, quin & ipsi miris spiritus suavitatibus Deum collaudent, verbo diuino sic intersunt, ut omnes homines ad salutem pertrahi exoptent, maiores non tantum culpas; sed & leuiores, & quæ magis ex humana fragilitate, quam ex proposito committuntur, humili, deuotoq; Sacramentorum vnu expiant, atq; ad opera misericordia spiritualia, & corporalia, magno interno solatio feruntur, Virtutumq; perfectiō nem in alijs maximè commendant, & pro viribus imitantur, non sine magna diuini spiritus dulcedine, quæ recte agentes semper concomitari assolet, omnia qualiacunq; acciderint de manu Domini humiliter accipientes. Considerant enim piè, quod [ misericors à Deus mæstis rebus quædam etiam iucunda permiscuit, quod certè in Sanctis omnibus facit, quos neque tribulatiōnes, neque iucunditatis sinit habere continuas; sed tum de aduersis, tum prosperis iustorum vitam, quasi admirabili varietate contexit.]

Talibus autem cum [oratio sit cibus mentis, b præclaraq; alimonia suavitatis, quæ membra non onerat, sed in ornamento conuertit:] hinc frequenter insigniores cœlestes affluentias fidelia sua exercitatione, à Deo consequuntur: quam plures illorum, qui ex instituto, aut vocatione mysticæ exercitationi appropriati, remissio, tepidoq; spiritu, nec frigent, nec calent; aut etiam (magis tamen verbosa iactantia, quam ope-

re & veritate) in mitabilibus super se ambulant, & super nesciunt & quia ex vtrisque nonnulli, (quibus tamen à vocante dictum non est) altioribus se temerè ingerunt, hinc consequenter monemus, ne altum quis sapiat, sed Deum, timeat,

Pientiores eiusmodi non facile ad exercititia mystica transeant, relicta praxi ordinaria Sanctæ Matris Ecclesiæ.

## ARTICVLVS QVARTVS.

**N**ON in humanis tantum; sed & in diuinis, appetitus ad altiora nobis innatus, hallucinari solet, & immatura celeritate, sublimioribus rebus se se ingenerere. Vnde c;iam pientiores aliqui ad vitam conter platiuam, ex regulari statu, aut particulari gratia nō vocati, mysticorum orandi modos, & diuinas perceptiones assumere attentant, non sine periculo. Cum enim quilibet in ea c vocatione, in qua vocatus est manere habeat, eiusq; consueta pietatis exercitia peragere; si absq; iudicio prudentis mystici, ad maiora Religionis, ac status sui se transtulerit, non mirabitur, si aut corporis debilitates, capitis dolores, aut spiritus ariditates, tædiaq; incurrat. Insuper etiam, quæ pietatis videbatur habere exercitia, desperdat, & cum explcitum mysticorum studium d totam vitam hominis requirat, qua non temeritate ad illorum statum, aut gratiam, diuinasq; contemplationes non vocatus, se se intruderet?

Eia

a S. Chrysoft hom. 8. in Mat. b S. Amb. apud Alenf. 4 p. q. 26. memb. 1. n. 1. c 1. Cor. 7.  
d S Tho. 22 q. 180. 4 8. c.